







ავღმა, გავფრინდა

გააჩინე შვილი, მითხრა დედაჩემმა, გააჩინე.  
 აბა როგორ, ვუთხარი, აბა როგორ.  
 ბოლო ზაფხული გავაცვილე,  
 ჩემი ბებერი მხრები  
 ფოთლების თოვლისთვის დაიხარნენ.  
 ბებერი დაიბადება, დედი,  
 როგორც მე დავიბადე შენზე ათასი წლით ბებერი.  
 ჩემი ლამეები შეჭამენ, დედი, ჩემი აყმუვლებული მგლები.  
 მდინარეში ჩამივარდება, დედი,  
 დამეხრჩობა,  
 მდინარეები გადმომდის თვალებიდან.  
 უსუსური ბარტყივით გაძიძგინა  
 ჩემი კოშმარების ღვარცოფები.  
 შიშხილით მომიკვდება, დედი, სისხლს ხომ არ მოვანოვებ,  
 ჩემი ღარები მკერდი კაბის უბესაც ვერ ავსებს.  
 სიცვიით მომიკვდება, დედი, ყინულის სიტყვებს ვისვრი  
 და სიკვდილისწინა წვიმას ვცრი.  
 ქვა და ქვიშაა ჩემი სხეული,  
 ახალ ხორცად რალა გადაზელს.  
 სად მოვიკიდო დედეების დარდი,  
 სად არის ადგილი დაგრეხილ ხერხემალზე.  
 დამავინწყდება, ვეუბნები,  
 დედა დავიძინებ, დედინაცვალს გავიღვიძებ.  
 სადმე დამრჩება, ვეუბნები, ჩემი თავივით სადმე დამრჩება.  
 ვინმეს ერთ ყლუბ ძილში გადავუცვლი,  
 ერთ ნამცეც სიზმარში გადავუცვლი.  
 ან სად მოვავროვო მისთვის სამყოფი სიყვარული,  
 იმდენიც აღარ დამრჩა, ზამთარში ბელურებს დაუყვარო.  
 ჩემი თვალები რომ გამოყვეს, ხომ შემომხედავს  
 და მომკლავს.

ისედაც კვდება, მეუბნება,  
 აკვანი დაარნიე,  
 ზიხარ და საფლავებს არწევ.  
 წინ ზამთარია, მეუბნება, ხანდახან ვინმემ  
 ხომ უნდა გაგათობს.  
 ზამთარი სულ არის, დედი. არავინ არავის ათბობს.  
 ზამთარი სულ არის, ნახე,  
 რამდენი თოვლია ყვავილებში.  
 თუ გავაჩენ, დედი, თუ გავაჩენ,  
 თავი ას ნაწილად გამისკდება.  
 ერთზე ნაკლები უნდა გავაჩინო,  
 ერთი ადამიანი ბევრია მეტისმეტად.  
 ალბათ რამდენჯერმე უნდა გავაჩინო,  
 ერთხელ დაბადებული არავინ გადარჩება.  
 ცოცხალი არ უნდა გავაჩინო,  
 ცოცხლად გაჩენილი ყველა კვდება.  
 აბა რალას მოვასწრებ, დედი, აბა ახლა რალას მოვასწრებ,  
 ჩემი ბოლო შემოდგომაა,  
 უკანასკნელი მერცხლები გაფრინდნენ.  
 შემოდგომაა შენი დარდი,  
 ზამთრისწინა გაბმული წვიმა.  
 შემოდგომაა ეს ლაპარაკი,  
 დამჭკნარი სიტყვების ფოთოლცვენა.

ხის ტოტზე ვზივარ, ველოდები, ქარი ამოვარდეს,  
 ხელი დაგიქნის, ავღმა, გავფრინდე.  
 ავღმა, გავფრინდე  
 ჩემი ბოლო შემოდგომიდან.

ბაბარი წვიმის აგაპი

ერთხელ ერთ ქალაქში წვიმა დაბერდა.  
 ჩაკიდეს ხელი მოქალაქეებმა  
 და მოხუცებულთა თავშესაფარში წაიყვანეს.  
 სულ მარტო იყო.  
 იჯდა და ფიქრობდა სახურავებზე,  
 სადაც ერთხელ მაინც ეწვიმა.  
 იჯდა და ფიქრობდა ხეებზე და ბალახზე,  
 ენატრებოდა გაზაფხულის მინა.  
 ენატრებოდა შემოდგომის ქუჩები,  
 ჯდებოდა ფანჯარასთან და წვიმდა.  
 სულ მარტო იყო, მეგობრობა არ გამოსდიოდა.  
 მოხუცებულთა თავშესაფარში ის იყო ერთადერთი წვიმა.  
 იჯდა სარწვეველა სავარძელში,  
 დაბალჭერიანი ოთახის კუთხეში,  
 მუხლებზე ეფარა დათრთვილული პლედი  
 და ფანჯრის რაფაზე თვალბმორთქლილს  
 კალთა ევსებოდა გამჭვირვალე წვეთებით.  
 ასე როგორ დავბერდი, უკვირდა.  
 ვის რაში ჭირდება ბებერი წვიმა.  
 ქუჩის მეორე მხარეს ცხოვრობდა მარტოხელა სახლი,  
 მასზე შეიძლება ითქვას შინაბერაც.  
 იყო უკვე ასაკიანი.  
 იშვიათად ელაპარაკებოდა სხვა სახლებს,  
 იშვიათად აშრილებდა ფარდებს,  
 იშვიათად სტუმრობდნენ მტრედები სახურავზე.  
 უჭირდა თავისი სიმარტოვის მოვლა.  
 დღიდან დღემდე საკუთარ კიბეზე იჯდა,  
 ისწორებდა ყვითელი ხავსის ლაქების კაბას,  
 კაბის ქვეშ სიჩუმის მუხლები უჩანდა,  
 მუხლებზე ხელები — გაცრეცილი ყაყაჩოები,  
 და ფართოდ გახელილ ფანჯრებში  
 უჩანდა წვიმა.  
 სახლი იჯდა და მთელ სხეულში უჩანდა წვიმა,

ლია ლიქოკელი

რომელიც უკვე მრავალი წელი  
 ცხოვრობდა მოხუცთა თავშესაფარში,  
 აღარ დგებოდა დასაკუთრებული ფანჯრიდან,  
 იქვე მიირთმევდა ჩაის და ორცხოობილას,  
 იქვე ხედავდა მოსაწყენ სიზმრებს,  
 იქვე ხედავდა მოსაწყენ ცხოვრებას,  
 და უყურებდა სახლს და წვიმდა.  
 სახლისთვის არ იყო ადგილი

მოხუცებულთა თავშესაფარში,  
 სახლისთვის არ იყო ადგილი არცერთ სხვა სახლში.  
 სასწრაფოდ ჭირდება ვინმე, ფიქრობდა წვიმა,  
 სასწრაფოდ არის წასაყვანი სახლების ექიმთან.  
 გვალვიანი ზაფხულის ერთ ცხელ ღამეს,  
 როცა უკვე ყველას ეძინა,

წვიმამ ჩაიცვა თბილად,  
 მხრებზე მოიხვია პლედი  
 (რა დასამალია და ცოტა მცივანა კი იყო)  
 და ფეხაკრეფით გაიარა თავშესაფრის ჭრილა იატაკი.  
 მისი კვალი სწრაფად ორთქლდებოდა ივლისის სიცხეში.  
 ფრთხილად გააღო გასასვლელი კარი  
 და ჩუმი შრიალით გაიპარა ქუჩაში.  
 ჩუმი შრიალით გაიკვირვეს აყვავებულმა ცაცხვებმა,  
 გაუკვირდა ქუჩას და თენებისწინა სიბნელე

ნარბივით აზიდა,  
 გაუკვირდა ზაფხულს და უღრუბლო ცას —  
 არავის ენახა ასეთი ბებერი წვიმა.  
 წელში მოხრილი მიცუსცუხებდა ქუჩაზე,  
 თეთრ, მზინავ ნაკვალევს ტოვებდა ლოკოკინასავით.  
 წვალბით გადაკვეთა ქუჩა.

სახლი იდგა და უყურებდა,  
 იდგა და იცდიდა.  
 უჭრილებდა სუსტი, გალეული სხეული.  
 წვიმა მივიდა და მკერდზე შეეხო წვეთის წვერებით —  
 ფეთქავდა სახლის გული,  
 გაზაფხულის მინასავით ფეთქავდა.  
 წვიმა შეეხო შუბლზე და ჩაუდგა თვალბმში,  
 სახლი იდგა და ტიროდა ფანჯრებიდან.  
 წვიმა წვალბით მიცოცავდა კედლებზე და კოცნიდა,  
 უცახცახებდა ბებერი სხეული.  
 მერე იწვია წვიმა სახლის სახურავზე და კოცნიდა.  
 მერე ლაპარაკობდა მინდვრებზე, ბალახებზე და ხეებზე  
 და სახურავებზე,

სადაც ერთხელ მაინც ეწვიმა.  
 ლაპარაკობდა სველ ქუჩებში მოცეკვავე  
 ყვითელ ფოთლებზე,  
 ლაპარაკობდა და ქრებოდა,  
 დნებოდა,  
 იღვინებოდა აკენესებული სახლის გადახსნილ სხეულში.  
 ქარი აფრიალებდა ჭაღარა წვეთებით  
 დათრთვილულ პლედს.  
 სახურავზე ამოდოდა ყაყაჩოები.  
 თენდებოდა.  
 მოხუცებულთა თავშესაფარში იღვიძებდნენ  
 და უყურებდნენ,  
 როგორ ამოდოდა მზე.

მზე ამოდოდა და უყურებდა სახლს.  
 სახლი იდგა და წვიმდა.

ცხოვრება მარტოსული ქლიავის ჭივისა

ჭია, რომელიც ქლიავში ცხოვრობდა,  
 თავს მარტოსულად გრძნობდა.  
 მოსაწყენი ეჩვენებოდა ქლიავის ჭიობა.  
 დღიდან დღემდე მარტო იჯდა თავის მომჟავო სახლში,  
 ქლიავის კურკას ელაპარაკებოდა.  
 ატამში მაინც დავბადებულიყავი, ამბობდა,  
 ატამის ჭია მაინც ვყოფილიყავი.  
 — სულელი, სულელი, — ამბობდა ქლიავი.  
 — სულელი, — ამბობდნენ მეზობელი ჭიები  
 მეზობელ ქლიავებში.

ღამლამობით ქლიავიდან იპარებოდა,  
 გულაღმა წვებოდა რომელიმე მოცახცახე ფოთოლზე.  
 მკვახე ნაყოფივით ეკიდა მთვარე ცაში,  
 ბრჭყვიალებდნენ მანათობელი ჭიები.  
 თუ მოვინდომებ, მეც გავანათებ, ფიქრობდა.  
 როგორმე უნდა გავანათო.

— სულელი, — ირწოდა ქლიავის ხე ქარში.  
 — სულელი, — ირწოდა ცა ქლიავის თავზე.  
 სწრაფად გადიოდნენ ჭიობის დღეები,  
 მწიფდებოდა მისი საცხოვრებელი ქლიავი.  
 უმძიმდებოდა, უზანტდებოდა ტანი.  
 აღარსად ეტოვდა გაბერილი სული.  
 მალე, ფიქრობდა. სულ მალე.  
 ქლიავის ყვავილისფერ ფრთებს ამოვუშვებ.  
 ვიფრენ ათასი დღე და ვიფრენ ათასი ღამე,  
 ცხრა ცას გადავივლი, ცხრა ათას სამყოფელს.  
 მზეში შევძვრები და მზის ჭია გავხდები, ფიქრობდა,  
 მზეა ჩემი ალთქმული ნაყოფი.  
 და ერთ მშვენიერ დილას  
 მზით რომ გაიჟღინთა ქლიავის ვარდისფერი კედლები,  
 დაუბერა ქარმა და ქლიავი  
 ფოთლების დილისპირულში მოწყვიტა ხიდან.  
 ქლიავი მინაზე დაეცა და გასკდა.  
 ასეთია ცხოვრება, როცა ქარია.  
 ჭია, რომელიც ქლიავში ცხოვრობდა, ნესტიან მინაზე იწვა  
 და თავს მარტოსულად გრძნობდა.  
 ასეთია ცხოვრება, როცა ჭია ხარ, ფიქრობდა.  
 ქლიავში ცხოვრობ.  
 თავს მარტოსულად გრძნობ.  
 მერე ნესტიან მინაზე წევხარ.  
 მარტო.  
 კვდები.

დილა არღარღისა

დილა არღარღისა, ძაღლო.  
 თუ ამჩნევ, გათენდა.  
 რა კარგია, რომ არ ლაპარაკობ,  
 არ მიყვარს მოლაპარაკე ძაღლები.  
 თუ ამჩნევ, თვალები გავახილეთ,  
 თუ ამჩნევ, დავდივარ.  
 რა კარგია, რომ არ იცინი,  
 ცუდი ნიშანია ძაღლების სიცილი.  
 ცხელი საუზმე, ძაღლო,  
 შენი ცივი ცხვირი და ჩემი ცივი ხელები.  
 ჩვენი სიყვარული, ძაღლო.  
 ბნელიდან გამოწვდილი შენი თეთრი ყელი —





შენი მოსაფერებელი სიმართლევე — თავი.  
ჩემი ყვითელი მხრები,  
შენი აშლილი ბალანი.  
ჩემი მაცვლის ბარდებში ჩახლართული თმა —  
მნიფე ანწლის წვენივით  
მინაში ჩაჟღენთილი თმის ფერი,  
არსანახავი, არმოსაფერები.  
თუ ამჩნევ, რა ცოტა დავრჩი,  
სიზმარ-სიზმარ გავთავდი,  
აჯობებს, არ მიყურო,  
არ მინდა, ძაღლის თვალეებში მოვკვდე.  
ცისპირს გახედე, ძაღლო,  
თუ ამჩნევ, გათენდა,  
თუ ამჩნევ, ადგენ მთები,  
ჩემი ამბავჭრელი მთები ადგენ და წავიდნენ.  
მინას გახედე, ძაღლო,  
გათბა მინა.  
მშიერი ბაღვლით წევს მინაზე მზე, ძაღლო,  
მზეს უნდა მივუწვე.  
ფხიზლად იყავი, ძაღლო, შხამი არ იყოს ჩემი რძე.  
ფხიზლად იყავი, ძაღლო.  
მე არ მიყურო, ჩემზე არ ილაპარაკო.  
მინა პირს რომ შეიკრავს, ჩემი კვალი ალოკე.

**გალახი ამოდოდა**

დღეს წვიმაში არ მივლია და არც წვიმას უვლია ჩემში.  
ერთ ხესთანაც არ მიტირია, ერთ ხესაც არ უტირია ჩემთან.  
ერთი ქვისთვისაც არ მიკოცნია, ერთ ქვასაც  
არ უკოცნია ჩემთვის.  
ერთი ხიდიდანაც კი არ გადავმხტარვარ,  
ერთი ხიდიც არ გადავმხტარა ჩემგან.  
ერთ მდინარეშიც არ დავმხრჩვალვარ,  
ერთი მდინარეც არ დამხრჩვალა ჩემში.  
თვალეები არ გამიხელია და არც თვალეებს გავუხელივარ.  
ერთი სიტყვაც არ წამომცდენია, ერთ სიტყვასაც  
არ წამომცდენივარ.  
არაფერი გამიფიქრებია, არაფერს გავუფიქრებია,  
დღეს ჩემი თავიდან არ გავსულვარ  
და არც ჩემი თავი გასულა ჩემგან.  
მინაზე ვინეკი და მინა ინვა ჩემზე,  
ბალახი ამოდოდა  
და მზე ამოდოდა ჩემგან.

**მე საერთოდ ცუდად მძინავს**

საერთოდ ცუდად მძინავს, სულ სამი საათი გადაბმით.  
როგორც წესი, ნაშუალამევს ვიღვიძებ.  
სუნთქავს ჩემი სახლი, სუნთქავს ჩემი კატა საბნის ქვეშ.  
ასეთი სიჩუმეა — სუნთქვით დაბურცული სიჩუმე.  
ვდგები, ნაქსოვ ჟაკეტს ვიცვამ. გრილა ღამლამობით.  
ფრთხილად გავდივარ ოთახიდან —  
კატა არ უნდა გავაღვიძო.  
სუნთქავს სოფელი, სუნთქავს არაგვი სოფლის ბოლოს.  
ჯერ ტირიფს შევხედავ ეზოში, მერე ცაში უნდა ავიხედო.  
დღეს ერთი ღრუბელიც არ არის.  
ცა ჩამოზნექილია ვარსკვლავებით.  
როცა ცა ასეთია, ზოგჯერ სახლიდან ვიპარები.  
მსუბუქი ფეხსაცმელი, შარფი. გრილა აქ ღამლამობით.

ეზოდან გასვლისას ჭიშკარმა არ გაიჭრიალოს:  
არ უნდა ვალავლაო ძაღლები.  
ჩემი სახლიდან დაღმართია მდინარემდე, ნახევარი  
სოფელი უნდა ჩავივებინო.

სულ ერთი ქუჩაა ჩემი სოფელი.  
ფეხქვეშ ქვები და გუბები.  
ბნელა. ცუდად ვხედავ. ერთი საათიც და გათენდება.  
სულ სხვა ამბავია, გზაში რომ გითენდება,  
ტყეში რომ გითენდება, მინდვრებში რომ გითენდება,  
სულ სხვა ამბავია და სულ სხვა ამბავი ვარ  
ასეთ სხვა ამბავში.

გზა ხიდს გადავივლის და ვინროვდება.  
მდინარის ნისლი ისუსხება ჭალაზე.  
ხელები თბილ სახელოებში. ცხვირი საყელოში.  
აქედან მინდვრებია და თითქოს

თვითონ სიბნელე მოძრაობს,  
თითქოს მინდორი იზმორება.  
მიხტინა მუხლები. მომონს, რომ მეშინია. ვკანკალებ.  
ფრუტუნებს სიბნელე. ცხენია. დავაფრთხე.  
ერთი თეთრი მოძრავი ლაქა — თეთრი ნიშანი  
ვინრო შუბლზე.

დამშვიდდი, ვეუბნები. მაპატიე, დამშვიდდი.  
აქედან ტყე იწყება.  
ტყეში შესვლისას ღრმად უნდა ჩავისუნთქო. ჩვევია.  
ხეებზე ჩამოკიდებული ჩრდილები.  
მე ჩემს ჩრდილზე ვარ ჩამოკიდებული, ჩემი ჩრდილი  
შიშზეა ჩამოკიდებული,

ხელჩაკიდებული და ვიღვივართ სამივე.  
მარტო ტყეში.  
თენების წინ ყველა ხე მარტოა ტყეში.  
მერე ცა ნაწილ-ნაწილ სკდება, მზე მოჟონავს  
მონითალო ნაპრალებიდან.

მალა და მალა, ქვევით ჯერ ბურუსში წევს ხეობა.  
ტყიდან — სათიბებში: ბალახი ამოსკდა სიბნელიდან.  
ყვავილები, რბილები.  
შორს ჭიუხი, მზის პირველსიხვეშელაციცებული  
დაღარული მკვირივი კლდე.

ხელებს ვშლი. მზის ხსენებისას ყოველთვის ხელებს ვშლი,  
მკლავებს ვიგრძელებ.  
სახლში მზის ამოსვლამდე დავბრუნდები.  
მერე გზა უკან: ჩვეულებრივი გზა. ჩვეულებრივი მე.  
ტყის მარწყვი გზისპირებზე —  
მოვწყვიტე რამდენიმე ღერო, მნიფე ნაყოფით.

ჟოლო — მოვტეხე რამდენიმე ეკლიანი ტოტი.  
მნიფეა და არ უნდა დამებნეს. რაც მნიფეა,  
არ უნდა დამებნეს.  
ტყე, მინდვრები და გზა. ახლა ყველაფერს ვხედავ.  
ვიღაცას გვირილები უკრეფია,  
ჯერ თავიგულად შეუკრავს, მერე დაუყრია  
პირდაპირ გზაზე.

გავიფიქრე, რომ ვისაც გვირილები დაებნა,  
ალბათ კარგად სძინავს,  
ჩემგან განსხვავებით.  
მე ხომ საერთოდ ცუდად მძინავს.  
ისევ ცხენი: უცხო ხარ — ფრუტუნებს.  
მაპატიე, ვეუბნები. მაპატიე.


სოფელი. სახლები მთქნარებით.  
აღმართი. აღმართის ბოლოს სახლი, სადაც გავიზარდე.  
ახლა სახლი იზრდება, მე ვპატარავდები.  
მამაჩემი გაიღვიძებდა. ეზოში იქნება.

ჭიშკარს რომ შევალე, გაცივებს.  
მერე დედაჩემიც გაცივებს. ეცინებათ ხოლმე ჩემზე.  
ჭიშკარი. წინგანვდილი ხელები.  
მარწყვის და ჟოლოს თაიგული.  
რაც მნიფეა, არ უნდა დამებნეს.  
მე ხომ ისედაც ასე დავდივარ —  
წინგანვდილ ხელებში თითქოს ჟოლოს ტოტები მიჭირავს  
და ცვდილობ, ერთი მნიფე ნაყოფი მაინც  
მივიტანო სახლამდე.

ასეთი ზაფხული მაქვს, ასეთი ღამეები. ასეთი მინდვრები.  
ერთია — მშიშარა ჩრდილი მყავს,  
და ძალიან ცუდად მძინავს.

**ასანთი**

ასანთის კოლოფიდან ყველა ასანთის ღერი გაიპარა.  
ზის ცარიელი ასანთის კოლოფი  
გამორთული ტელევიზორის წინ,  
უყურებს ჩამქრალ ეკრანს,  
და ვერაფერს ფიქრობს, რადგან  
ცარიელია და მისგან  
ასანთის ყველა ღერი გაიპარა.  
არ ვიცი, სად წავიდნენ ისინი.  
ალბათ ვინმე იტყვის, რომ ნახა,  
როგორ გარბოდნენ თავზე ცეცხლნაკიდებულები,  
ალბათ ვინმე იტყვის, რომ ნახა,  
როგორ გაუჩინეს ხანძარი ცას,  
როგორ გაეცსოთ თვალეები  
ცისფერი ფერფლით ადამიანებს  
და ყველამ სახლში წაიღო საღამოს  
თავისი წილი დამწვარი მზე.  
ალბათ ამაზე ილაპარაკებენ  
ჩართული ტელევიზორები,  
სავსე ასანთის კოლოფები,  
თვალეებიანი ადამიანები,  
მაგრამ მე ვერაფერს გავიგებ, რადგან  
ეზივარ გამორთული ტელევიზორის წინ,  
ვუყურებ ჩამქრალ ეკრანს,  
რომელიც უკვე აღარ მირეკლავს,  
რადგან ისეთივე ცარიელი ვარ,  
როგორც ასანთის კოლოფი,  
საიდანაც  
ყველა ასანთის ღერი გაიპარა.







მწერალთა სახლში შემოდგომა პოეზიით, მწერალთა შემოქმედებითი სა-

და შემოქმედია, ის ჩემი საყვარელი პოე-

დენიმე ხნის წინ დაიწყო. საქართველოს სხვადასხვა ქალაქი საგანმანათლებლო-



„საბას“ სახეიმი დაჯილდოვებას აქამდე არასოდეს დაგსწრებია, თუმცა

შემოდგომის პირველი ლიტერატურული თვე

შთაბეჭდილებებითა და თარგმანებით შეიკრიბნენ. გაგა ნახუცრიშვილმა,

ბილი, შედარებით ცნობილი და ნაკლებად ცნობილი მოღვაწეები — რომელთაც თავიანთი წვლილი შეიტანეს ქართული კულ-

საღამოს ცხრა და რუსთაველის სახელმწიფო დრამატული თეატრის შესასვ-

„ჩვენთვის დიდი პატივია, რომ სწორედ მწერალთა სახლში მოისურვეთ,

\*\*\* ორი დღის შემდეგ იმავე დარბაზში ლექსები ბელორუსულ, უკრაინულ, ლიტ-

\*\*\* „ჩვენთვის დიდი პატივია, რომ სწორედ მწერალთა სახლში მოისურვეთ,

\*\*\* ორი დღის შემდეგ იმავე დარბაზში ლექსები ბელორუსულ, უკრაინულ, ლიტ-

„შენ ცოცხლობ ჩემში“ ახალი, გამოუქვეყნებელი ლექსებით იწყება, შარშან

ბილი, შედარებით ცნობილი და ნაკლებად ცნობილი მოღვაწეები — რომელთაც თავიანთი წვლილი შეიტანეს ქართული კულ-

წიგნი საქართველოს კულტურისა და ძეგლთა დაცვის სამინისტროს ფინანსური

ოთხი ქვეყნის პოეტთა გამაერთიანებელი პროექტიც, ალბათ, სწორედ მწერალ-

სასახლო და ძეგლთა დაცვის სამინისტროს ფინანსური მხარდაჭერით მიმ-


„საბასთან“ ერთად, ცხადია, ლიტერატურული ცხოვრება, ლიტერატურული პროცესებიც ვითარდებოდა. ამის დას-

საღამოს სისხვსე შემატეს ყველასთვის სასურველმა სტუმრებმა — ტარიელ ჭან-

\*\*\* მწერალთა სახლში სექტემბერი ჰაინრიხ ბიოლის ფონდის პროექტით — „50

სასახლო და ძეგლთა დაცვის სამინისტროს ფინანსური მხარდაჭერით მიმ-

„საბასთან“ ერთად, ცხადია, ლიტერატურული ცხოვრება, ლიტერატურული პროცესებიც ვითარდებოდა. ამის დას-



მომზადდა თამარ ჟურნალმა





ღარიბაშვილი და 2012 წლის საუკეთესო პოეტური კრებულის ავტორი პაატა შამუგია.

ფინალისტი ავტორების ვინაობა ივინის ბოლოს გახდა ცნობილი და სია თიბისი ბანკის შესაბამის ვებგვერდზე გამოქვეყნდა.

ახლა ყველანი ჩემს წინ არიან, პარტერის წინა რიგებში სხედან. ელიან. დარწმუნებული ვარ, ნერვიულობენ კიდევ, თუმცა ბევრი მათგანი ამბობს, სულაც არაო. გამარჯვების მოლოდინი შეუძლებელია მძაფრ განცდებთან, ემოციასთან, ხშირ გულისცემასთან არ იყოს დაკავშირებული. მთელი წელი იშრომეს, ერთი კი არა, მრავალი წელია ირჯებიან და აი, 2013-ში საკუთარი გვარები უმნიშვნელოვანესი ლიტერატურული მოვლენის შორისაა. ამ ავტორების მოლოდინი ალბათ განსაკუთრებულია. პარტერში მსხდომებს მხოლოდ ზურგიდან ვხედავ, მაგრამ მაინც ვგრძნობ, რას განიცდიან. თურმე როგორი მეტყველი ყოფილა ზურგი და თითები. „პირდაპირი ეთერით“ ამდენს ხომ ვერ დავეინახავდი. აქედან კი მთელი დარბაზი ხელისგულივით მოჩანს.

გამომჩნა მეტყვა, რომ თითოეული ფინალისტისთვის კონკურსში გამარჯვებისა თუ პრემიის გარეშე დარჩენის მაცნე, ჟიურის წევრი კი არ არის, არამედ წლის საუკეთესო წიგნი, რომელსაც ყოველი ნომინაციის შემდეგ, ბატონი გივი, ქალბატონი მანანა, ქალბატონი ქეთი და ბატონი პაატა გახსნილი კონვერტებიდან ამოაცურებენ, ზემოთსწევნ გამარჯვების მანუწყებელი ბაირალივით და მხოლოდ ამის შემდეგ ასახელებენ ავტორს. საზოგადოების რეაქციით ვხვდები, რომ ზემოთ ანუ უფრო წიგნები დარბაზში მსხდომთა უმეტესობას არაფერს ეუბნება, ეს კი ძალიან სამსუხაროა. ისინი გარეკანებს დიდად ვერ ცნობენ და გაფაციცებით ელიან დასახელებას. ამის შემდეგ კი აპლოდისმენტებს არ იშურებენ. თუმცა რამდენიმე ავტორს, მათი გვარების გაფლერებამდე ტაშით მიულოცა გამარჯვება მკითხველმა.

„საბას“, თავისი ისტორიის მანძილზე, ერთი და იგივე ავტორების დასახელებაც „სწევია“. აკა მორჩილაძეს ხუთჯერ აქვს მიღებული პრემია და ხუთჯერვე — წლის საუკეთესო რომანის ნომინაციაში. ლამაზუდაძე, როგორც საუკეთესო პიესის ავტორი, სამჯერ დასახელდა ლაურეატად, ხოლო ერთხელ საუკეთესო რომანისთვის გადაეცა პრემია. ერთზე მეტი „საბა“ არაერთ ქართველ მწერალს, პოეტს, კრიტიკოსს, ესეისტს, მთარგმნელს აქვს მიღებული, წელს მათ რიცხვს სხვა ავტორებიც შეემატნენ.

სცენა ისეა მოწყობილი, თითქოს თერთმეტი წლის განმავლობაში ლიტერატურულ პრემიაზე წარდგენილ ყველა წიგნს

# „საბა“ მესამე იარუსიდან



აკ მოუყარეს თავი და ჭერამდე აზიდულ „თაროებზე“ გამოფინეს. „თაროებს“ შორის კი ევგენი მიქელაძის სახელობის ეროვნული სიმფონიური ორკესტრი განთავსდა და ნიკოლოზ რაჭველის ხელმძღვანელობით ბიძინა კვერნაძის არაჩვეულებრივ მუსიკას უკრავს. წლებიდან საბაზე მხოლოდ ბატონი ბიძინას მუსიკა უღერს, რადგან 2013 მისი საიუბილეო წელია.

„საბა“ 10 ნომინაციით არის წარმოდგენილი. თავისი ისტორიის მანძილზე კონკურსს არაერთი ნომინაცია შეემატა. მაგალითად, 2011 წელს ლიტერატურული კრიტიკა ცალკე ნომინაციად გამოცხადდა და მისი პირველი ლაურეატები შოთა იათაშვილი და ნუგზარ მუზაშვილი გახდნენ. წელს კონკურსი კიდევ ერთმა, ძალზე საინტერესო ნომინაციამ გაამდიდრა — ქართული ნაწარმოების საუკეთესო თარგმანი, რომლის პირველი ლაურეატი ნათია მიქელაძე გახდა, თამთა მელაშვილის რომანის, „გათვლის“ თარგმნისთვის. თუმცა რიგითობით მივყვით:

წლის საუკეთესო ლიტერატურული დებიუტისთვის პრემია გადაეცა მარინე ელბაქიძეს, ავტორს ნიგნისა „გაცვლა“.

ნომინაციაში — საუკეთესო ლიტერატურული კრიტიკა — ჟიურიმ გამოავლინა „პირველი თანასწორთა შორის“ — ელგუჯა თავბერიძე ნიგნისთვის „კოლიმგრაფი“.

ნომინაციაში — ესეისტიკა და დოკუმენტური პროზა — ლირსეულ კონკურსისთვის გაუძლო გიორგი მაისურაძემ და მისმა წიგნმა „დაკარგული კონტექსტები“. პირველად კონკურსისთვის ჩვეული, აკადემიური მდინარეა სწორედ ბატონმა გიორგიმ დაარღვია სამადლობელი სიტყვით: „ლიტერატურას ჯადოქრობა არ შეუძლია, არადა ჩვენს მშვენიერ ქვეყანაში, სადაც სამწუხაროდ, ისეთი კანონი მოქმედებს, რომელსაც მარბიხუნას მოწვევისთვის ადამიანის ციხეში გასტუმრება და გამოძევადება შეუძლია, სადაც პოლიტიკოსები ერთმანეთს ნამქეზებლობაში ეჯიბრებიან, სადაც ამბიონებიდან ხშირად სიძულვილი და შეუწყნარებლობა იქადაგება, სადაც 17 მაისს არნახული სისასტიკის მომსწრენი გავხდით, ალბათ ლიტერატურას განსაკუთრებული ადგილი უნდა ეკავოს და განსაკუთრებული ფუნქცია ჰქონდეს. კიდევ ერთხელ დიდი მადლობა იმ ადამიანებს, ვინც ასეთ ვითარებაში მხარს უჭერს ლიტერატურას“.

საუკეთესო ქართულ თარგმანში ცხრა ლირსეულ ნომინანტს შორის გამარჯვებული გივი შაჰნაზარმა გამოაცხადა: „ქართული თარგმანის ნომინაციაში ზღვა მასალა და ერთმანეთზე ნიჭიერად შესრულებული ნამუშევრები იყო წარმოდგენილი. რა თქმა უნდა, გაგვიძნელდა მათგან საუკეთესოს

გამორჩევა... წელს ლიტერატურული პრემია „საბა“ უილიამ ფოლკნერის მთარგმნელმა ზაზა ჭილაძემ დაიმსახურა“.


ალექს ჩიღვინაძე კი წლის საუკეთესო პიესის ავტორად დასახელდა. პიესას სახელწოდებით „ქალაქის მერის ცოლის საყვარელი“ ალბათ მალე ვიხილავთ ქართული თეატრის სცენაზე. ავტორმა მოკლე სიტყვით მიმართა საზოგადოებას: „მხოლოდ ერთს ვიტყვი: ყოველთვის დავწერ იმ ადამიანებისთვის და იმ ადამიანებზე, რომლებსაც ყველაზე მეტად უჭირთ ნებისმიერი მიმართულებით“. მქუხარე აპლოდისმენტებისა და ემოციური შეძახილის გადასაფარად მომღერალ სალომე კორკოტაშვილის გამოსვლა სცენაზე და ბიძინა კვერნაძის სიმღერის „ჩემო პატარას“ შესრულება სწორედ რომ დროული იყო.

ნომინაციაში — საუკეთესო პროზაული კრებული — ლირსეული კონკურსის პირობებში გაიმარჯვა ირაკლი სამსონაძემ ნიგნისთვის „შემკრთალი ქუჩა“. პრემიის გადაცემის შემდეგ, ჟიურის წევრმა გივი შაჰნაზარმა ქართული გამომცემლობების მიერ განუული შრომაც არ დაივიწყა და დიდი მადლობა გადაუხადა მათ, ვინც წლებია ირჯება ქართული წიგნისა და ლიტერატურის განვითარებისთვის.

შემდგომ ორ ნომინაციას — საუკეთესო პოეტური კრებული და საუკეთესო რომანი — ალბათ განსაკუთრებით ელოდნენ ისინი, ვისაც შესანიშნავ ფინალისტებს შორის საყვარელი ავტორები, ლია სტურუა და ნაირა გელაშვილი ეგულებოდათ. მოლოდინი გაუმართლდათ კიდევ, რადგან ორივე ქალბატონი სცენაზე, „საბათი“ ხელში იხილეს.

ლია სტურუა კრებულისთვის „დავინყვების დღე“ დაჯილდოვდა. ის ერთადერთი იყო წლებიდან ლაურეატებს შორის, და ვფიქრობ, ზოგადად, „საბას“ ისტორიაშიც, ვინც მადლობით გაიხსენა სულხან საბა ორბელიანი, რომლის სახელსაც ლიტერატურული პრემია ატარებს: „...ჩვენ ძალიან ხშირად ვამბობთ, რომ მშვენიერება გადაარჩენს სამყაროს. სულხან საბამ კი ჯერ კიდევ როდის თქვა, მშვენიერი არს ყოველის კეთილით შეფერებული, არ დაეზარა მე-17 საუკუნიდან ჩვენთან მოსვლა და ესთეტიკური სათნოების მოტანა, ამიტომ მადლობა სულხან საბას, იქ, მაღლა, მეცხრე ცაზე, სადაც მკვდარი პოეტები ცხოვრობენ“.

ნაირა გელაშვილს „საბა“ რომანისთვის „მე ის ვარ“ გადაეცა. ის იმ ავტორთა შორის იყო, მკითხველმა დასახელებამდე, ჟიურის წევრის მიერ ზემოთ აღმართული ნიგნის დანახვისთანავე რომ ამოიცნო. ალბათ ბევრი საღამოს კულმინაციად მწერლის მიერ წარმოქმნილ სიტყვას ჩათვლიდა: „...მინდა, პრემიის ნაწილი ხაიშის საბავშვო ბაღსა და საშუალო სკოლას გადავცე. ცოტა ხნის წინ, სამოქალაქო სა-



მოხუცი და სხვა

მე მეთევზე ვარ  
და როგორც კი საღამოვდება,  
მოვიგდებ ანკესს გამხმარ ზურგზე  
და მივდივარ მდინარის პირას  
(ანკესი გრძელი უნდა იყოს,  
სიმი კი მძლავრი,  
ხომ შეიძლება, რამე დიდსაც გამოჰკრა კავი).  
გავმართავ ანკესს,  
და სანამ ტივტივა წყალში წრეს მოხაზავს,  
„ჩესტერს“ გავუკიდებ რიტუალურად,  
სიმი იძაგრება,  
ხელის ერთი მარჯვე მოსმა და,  
კავს მოჰყვება მოზომილი მეტაფორა,  
სხმარტალებს, სხლტება თითებშუა...  
შორს ვერ წავა, სანდო ხელშია.  
მართალია, წვრილ-წვრილი მეტაფორები ისედაც  
საკმარისად დამიგროვდა,  
მე უფრო ვეშაპვი შედარებას მოველოდი,  
მაგრამ ესეც საქმეა,  
მთლად ლიტოტესიც ხომ არაა!  
წეროებმა ხმაურით გადაიფრინეს,  
მალა ფრენენ —  
ეს კარგია  
და ეს იცის კარგმა მეთევზემ.  
თუ წეროები დაბლა უხმაროდ და სწრაფად დაფრენენ,  
ეს ცუდ სათევზაო ამინდს ნიშნავს.  
დღეს მიმართლებს.  
სალამი, მეგობარო წეროებო.  
ბევრი არ აქცევს ყურადღებას ასეთ დეტალებს,  
და ეს ცუდია  
და ეს არ იცის ცუდმა მეთევზემ.  
აი, ახლაც გატოკდა ტივტივა,  
სიმი ისე დაიძაგრა,  
მგონი, მკვირცხლი ირონია მოვიგდე,  
მაგრამ, ბედის ირონიით, ცარიელი ნემსკავი ამომაქვს,  
ვერა და ვერ მოვიხელთე,  
ხელიდან სხლტება გამუდმებით.  
არადა, იცოცხლე, ფასი ადევს ირონიას,  
უკეთ იყიდება,  
და მე რომ მკითხო, კარგიცაა,  
მართალია, ფხიანია,  
მაგრამ უფხო ირონია ვის რად უნდა!  
არა უშავს, სიმბოლოსაც დავჯერდები,  
ოღონდ დროზე შებინდდეს,  
დამით იცის სიმბოლოები — ნასუქები, ნაღებები...



პაატა შამუგია

როგორც კი ბნელდება,  
ამოდიან ფსკერიდან და ანკესზეც იოლად ეგებიან.  
არსად მეჩქარება,  
ვიჯდები ჩემი ქვეცნობიერის  
ნოტიო ნაპირზე,  
გავაბოლებ  
და ვიფიქრებ სიმბოლოების უშქარ ლაშქარზე.  
მოვლენ, მოვლენ უეჭველად...  
მაგრამ როგორ გინდა, სიმბოლოებით არჩინო ოჯახი?  
მალე ილევა, ბარაქა არ აქვს,  
გამუდმებით უნდა ცვალო,  
ეფექტი რომ ჰქონდეს.  
ბავშვები შემომღწავიან,  
ბოლო მეტაფორა ნუხელ გამოხრეს,  
სიმბოლო კი სიმბოლოურად დილისათვის გადაინახეს.  
ცოლიც ბუზღუნებს:  
აგერ, შენს კოლეგას აააამხელა ჰიპერბოლები  
დაუჭერია —  
ხელით ხაზავს ტრაექტორიას —  
მთელი პრესა მასზე წერდა,  
ბედნიერი მისი ცოლი!  
შენ კი რას მიკეთებ,  
ბავშვებს ალეგორიებისგან კუჭი გამოუშრათ  
და ძალიან ცუდი კაკაშკები აქვთ,  
ექიმმა მეტონიშია დაუნიშნა.  
მე უხერხულად ვიმართლებ თავს,  
რომ მთავარი ზომა არაა,  
რომ ყველაფერს თავისი დრო აქვს,  
რომ, ცოტაც დამაცადონ და,

აი, ნახავენ,  
აი, ნახავენ,  
მეც მოვიხელთებ ზორბა ჰიპერბოლებს,  
მხეც მეტაფორებს,  
სხარტ ეპითეტებს  
და კაი დახლიც დამიდგება,  
აი, დამაცადონ...  
მდინარე ღულუნებს, როგორც ჩიტი.  
ეს არ არის კარგი შედარება,  
ეს საერთოდ არ არის შედარება,  
ეს მდინარეა, რომელიც ღულუნებს, როგორც ჩიტი.  
სად არიან თევზები, თევზები სად არიან,  
გავალ, გავიხედები...  
ანკესს გვერდზე ვდებ,  
ვთვლემ და ვისიზმრებ  
შორეულ ქვეყნებს  
და ლომებს, ნაპირზე რომ გამოდიან.

ბავშვიყვანა

ეს ლექსი დაიწერა, როცა გოგია აბაშიძე შიმშილით  
გარდაიცვალა. დაწერე და კარგა ხნით დავივიწყე, შემ-  
ინოდა, პათეტიკური არ გამოსულყო. არც შევმცდარ-  
ვარ — პათეტიკურია. ანუ ისაა, რასაც გამუდმებით გა-  
ვურბივარ წერის დროს. მაგრამ, ვფიქრობ, არის მომენტ-  
ები, როცა გარდაუვალია, იყო პათეტიკური. ავტოაპო-  
ლოგია გამომივიდა. ზოგჯერ ეგეც გარდაუვალია.

ის (ბავშვი) შიმშილით მოკვდა.  
შემასმენელმა შემასმინა, რომ  
ერთპირიანი ზმნა ორპირია.  
ენობრივი ლოგიკიდან გამომდინარე,  
მე ვზივარ ორპირ ქარში  
და პირი თოთო ბავშვებით მაქვს სავსე.  
ოჯახის ექიმის რეკომენდაციით,  
კარგად ვლექავ, მაღიანად ვტკვირავ ქორფა ძვლებს,  
ხორცს ვაგემოვნებ, სასაზე ვიღწობ,  
რათა მომწელებელმა სისტემამ საიმედოდ აითვისოს.  
ყველაფერი კარგად არის,  
ტურქებზე შერჩენილ ნამცეცებს ვინმენდ (ჰიგიენა  
მნიშვნელოვანია)  
და ძვლებს ხმაურით ვაფურთხებ.  
კარი გამიღე, სამშობლოვ,  
ძუძუებით რძე მომაქვს, პირით — ბავშვები,  
შენ კვება გჭირდება,  
შენ ავად ხარ!



„საბა“ მესამე იარუსიდან

დასასრული

ზოგადოების ერთმა პატარა ჯგუფმა ამ  
სოფელს გმირი სოფლის წოდება მივანი-  
ჭეთ, რადგან უკვე ოც წელიწადზე მეტია  
ხაიში კლდესავით დგას. როცა ირგვლივ  
ამდენმა გაყიდა სულიერი ღირებულება,  
როცა აღარავის უნდა ეს საქართველო და  
აქედან გარბის, ამ სოფლის მცხოვრებლებს  
სთავაზობენ ყველაფერს ადამიანური  
ღირებულებების, თავინთი საფლავების,  
ეკლესიების, სავარგულების, სინდინდებ-  
ის სანაცვლოდ. ხაიში კი, საბჭოთა პერიო-  
დიდან მოყოლებული დღემდე, ზენოლის,  
გადაბირების, მოსყიდვის, დაშინების მი-  
უხედავად დგას მტკიცედ, მიტოვებული  
საქართველოსგან, დედაქალაქისგან, მწ-  
ერლებისგანაც. 2012 წელს საქართველოს  
პენ-ცენტრმა გამოაქვეყნა მკაცრი საპრო-  
ტესტო წერილი მაშინდელი ხელისუფლებ-  
ისადმი, იმ ბარბაროსული პროექტების  
განხორციელების მცდელობისა და სურ-  
ვილის გამო, რომელიც დღევანდელ  
საქართველოში აპოკალიფსურ მასშტაბებს  
იღებს. თუ ისინი განხორციელდა, მთელი  
სვანეთი, რაჭა, ლეჩხუმი და შემდეგ უკვე

სხვა რეგიონებიც კატასტროფის პირას  
აღმოჩნდება, ათიათასობით ჰექტარი მიწა  
წყალში ჩაიძირება და ჩვენ შეგვრცხვება,  
რომ ამ დროს ვცხოვრობდით, მწერლები  
გვერქვა და პრემიებს ვიღებდით. რად გვინ-  
და პრემია, ტექსტები ან ლიტერატურა თუ  
ირგვლივ ჩვენს მიწაწყალს, ჩვენს ულამაზ-  
ეს ბუნებას, რომელსაც უმღერდნენ ილია,  
ვაჟა, აკაკი, გალაკტიონი წყალი დაფარავს  
და ჩვენს შვილებსა და შვილიშვილებს საცხ-  
ოვრისი აღარ ექნებათ? ისე როგორც რამ-  
დენიმე დღის წინ, ახლაც მოგინოდებთ მწ-  
ერლებს ხმა აიმაღლოთ და ჩვენს პრო-  
ტესტს შემოუერთდეთ. მწამს, ამას გაა-  
კეთებთ. დიდი მადლობა“.

„საბა“ ტრადიციულად დაგვირგვინდა.  
„თიბისი ბანკის ხელმძღვანელმა მამუკა  
ხაზარაძემ ვახტანგ ჭელიძის, ბაჩანა ბრეგ-  
ვაძის, ოთარ ჩხეიძის, ანა კალანდაძის, თა-  
მაზ ჩხენკელის, ვახუშტი კოტეტიშვილის,  
ჭაბუა ამირეჯიბის, გურამ დოჩანაშვილის,  
ვახტანგ ჯავახიძისა და რეზო ჭეიშვილის  
შემდეგ, ლიტერატურაში შეტანილი გან-  
საკუთრებული წვლილისათვის ლიტერა-  
ტორი, მთარგმნელი ზურაბ კიკნაძე დაა-

ჯილდოვა. ბატონმა მამუკამ თავისი სიტყ-  
ვა მადლობით დაიწყო. მეც ასე დავას-  
რულე. განსაკუთრებულ მადლობას  
ვეტყვი ჟიურის უხუცეს ნევრს, ბატონ გივი  
შაჰნაზარს, რომელმაც საოცრად საინ-  
ტერესო კომენტარებით, გამარჯვებულე-  
ბისა და მათი ტექსტებისადმი დამოკიდე-  
ბულებით, პრემიების გარეშე დარჩენილ  
ფინალისტებზე საუბრით, მათი საკონკურ-

სო ნივთების მიმოხილვით სხვა სახე შესძი-  
ნა ამ მოვლენას, კიდევ უფრო გააცოცხ-  
ლა, გაამდიდრა და გაათხო სალამო. მესა-  
მე იარუსიდან ასე დავინახე. თუმცა, ვი-  
ნაიდან ყველაფერი მაინც ინდივიდუალუ-  
რად აღიქმება, იმ სალამოს ალბათ ყველამ  
„თავის“ „საბას“ უცქირა.

მოამზადა თამარ ჟურულმა



გამოცხადება

თითქოს სულაც არ არსებობდე,  
ამდენ ფოთოლს ქარი ბერტყავდეს,  
ამდენ თმას — წლები,  
ტაძრის შენება ტაძრობანას თამაში იყოს,  
იქ სიარული — შესვენება  
მობეზრებულ ცოდვათა შორის...

მაგრამ მე გიცნობ.

მე დავინახე მინისძვრისას  
სხვების თვალეში და ჩემს გულში.

მე დავინახე, როგორი ხარ:  
დიადი და ძლევა მოსილი —  
როგორც ხავსი,  
სასონარკვეთის მდინარეში  
უკაცური და უდაბური ნაპირიდან  
ჩაკიდებული.

\*\*\*  
ნაშალა ღამემ სოფელი —  
დაინუნა,  
რაც სოფლის მანათობელი  
გაინუნა.

ბნელს მთვარე ისე მოუხდა,  
მოეწონა —  
უდედო თიკანს მოუნდა,  
მოეწონა.

\*\*\*  
ისევ ჩართო  
მზემ  
აისის ვიდეო,

მთვარეს უთხრა,  
ჩადი —  
ამოვიდეო,

თუმცა მერე  
ესეც აღარ აცალა —

ღამის ჯამი  
მთვარიანად  
დაცალა.

ვუღუბისტარია

სდის უჩინარი სისხლი  
სანოლ-საკიდარ-სავარძლებს.  
აქ ველარაფრით ხისნი —  
იკვლება, სადაც ნავასწრებ.

არ მოსწრებია ტროა  
და ვატერლოოს ველობი:  
ყოველი წამი დროა  
ახალთახალი მკვლელობის.

ან თავის ქალას ვუფშვნი,  
ან დანა უნდა გაეჩარო...  
არა — ბარში ან კლუბში,  
განა — გარეთ და საჯაროდ —

სასაკლაოა სადა —  
ხრუმროვკის გვამი წყეული.  
როგორც გუდაში კატა,  
ისე მყავს გამომწყვდეული.

გარაზულია კარი,  
ამოქოლილი — ფანჯარა.  
მიდი — ჰკალი და ჰკალი,  
ნება-ნება ან ჩქარ-ჩქარა —

ამ კედლებსა და ამ ჭერს  
ვერ გაექცეს და, ამავე დროს,  
ნაკლავიც აქვე დარჩეს —  
ღობის სურნელით დამათროს.

ვიქნევ, ვაძგერებ, ვისვრი —  
რომ ელავედეს და დელავდეს  
უჩინმაჩინი სისხლი  
კოჭებამდე ან ყელამდე.

...  
ასე, ასე წლის მიღმაც  
ამას ვლამობდი ამაოდ —  
ვიდრე მეტყოდა ვილაც —  
ლეღვის გეყოფა ჭამაო;

აკი ჯახირი ამის  
შენც უკვე ყელში ამოგდის —  
რაკი გამოგდის ღამის  
და არა და არ გამოგდის —

ზაზა  
ბიბილაშვილი



დღემდე ვერაფრით ჰქენი,  
რასაც ყმანვილიც ელტვოდი —  
ანუ საქმეა შენი —  
შენი არ არის მეთოდი.

ქადილი გექცა კვეხნად,  
რაკი — თანახმად ჭკვიანთა —  
ლონემ ხერხობა ვერ ქნა,  
მოჩქარეს მოგიგვიანდა...

მოგისკაბრეზებ: ხის თლა  
არის ეგ შენი ტაქტიკა;  
არ გინდა ეგრე ხისტად,  
ეგრე ხაზგასმით სასტიკად.

ჯობს — რიგიანთა რიგზე —  
თავი (ანებო ძველ ჰონორს  
და) მოგვაჩვენო ისე,  
გიყურებდეთ და გვეგონოს —

მოგწყინდა ტვინის მხვრელი  
ყველა ალიხე-მალახე  
და მოცარული ხელი  
ჩაიქნიე და აიღე...

ამ დროს, აინყო საქმე:  
ვინ თქვა მდინარე უფონო —  
სინჯო სამიზნე — სადმე  
სუსტი ნერტილი უპოვო,

სული უპოვო უკვდავს —  
ნემსი, ბუმბული, უღვაში —  
მტრედის, ხარის ან თუნდაც  
რკინა-ბეტონის გულგვამში,

და თუ აქამდე სცემდი  
სპილოს, ვეშაპს და დინოზავრს,  
სულის მიუდგე ნერტილს,  
მიადგე — ურტყა რბილოსა...

ვიდრე ეგ მოვა გონზე,  
შენი დადგება დიდება —  
ზღვა დაიღვევა კოვზით...  
ქვა წვეთით გაიხვრიტება...

...  
კეთილი სული იყო,  
თუ — მისი ავი ვიზავი,  
საქო, სიკო თუ ნიკო,  
იქნებ თვითონაც ვიყავი,

ქლესა თუ — ბარტყის გულა,  
ქოსა თუ — ჯილა უღვაშით...  
ვინ იცის, არც კი თქმულა —  
მე კი დამიჯდა ჭკუაში:

ვცადე — ნაკლებად ხისტად,  
ვითომ ნაკლებად სასტიკად...  
და სტრატეგიად იქცა  
ჩაფლავებული ტაქტიკა...

...  
მორჩა ჰაერის დღეება,  
ფუყე ფუყვა თუ ფერება.  
და იღენება წყებად  
და ეფინება ფენებად.

ალალ-მართალი ხოცვა  
არას მიქენჯნის-მისევედავს —  
ვინ რა მომკითხოს, როცა  
მკვდარი ჰგონიათ ისედაც.

გინდა, გაჭერი შეიდად —  
განა შეიგნებს, რა მოსდის —  
თვალეებს დახუჭავს მშვიდად,  
სული კრავივით ამოსდის.

გრიმასა ტვინს არ ჭამს და  
გულს არ აწყალავს ვოკალი.  
ამ დროს, იმდენი, ანდა  
უფრო იმდენჯერ მოვკალი...

თუ გეზარება დალლა,  
თითის არ უნდა განძრევა —  
ხან თუ — დაბლა ან მაღლა,  
ზოგჯერ საერთოდ განზე ვარ.

არ გაბეზრდება ნერვი —  
არ ახტება და დახტება;  
ხვდება, ამასთან, ვერვინ,  
სინამდვილეში რა ხდება...

აბა, წელან რომ თითქოს  
ბოროტ ბოტს კოპი უტევედა,  
ვინ მიხვდა, რომ მე იმ დროს  
დროს ვკლავდი კომპიუტერთან?

...  
რომ ასე მძლე და მჭრელი  
და ისე მჭლე და შიშველი  
შეჭიდებულან ჩემი  
ხმალი და დროის კისერი;

არა მწერების ხროვა,  
რა ნადირი და რა კრავი —  
ჩვეულებრივი დროა  
ჩემი რჩეული საკლავი;

რომ ასე იღბალკრული,  
ზემაღალი და ზერბილი,  
დროა ნაძებნი სული,  
ნაპოვნი სუსტი ნერტილი;

რათა გულმშვიდად მემტრო  
და გამარჯვებით მეომა...

...  
რომ ჩემი დროა ეს დრო;  
უფრო მარტივად — მე რომ ვარ?











1. რას ნიშნავს თქვენთვის მარტოს 13?

2. როგორ წარმოგიდგენიათ მწერალთა სახლის მომავალი?



„ლიტერატურული გაზეთის“ ანკეცა



ბექა ქურხული

1. მარტოს 13 ბავშვობიდან მასსოვს. დედაჩემს დაყვავდი პატარაობისას ხელჩაკიდებული...

ვეფხვთან და ლომთან ერთად რატომღაც დამამახსოვრდა, როგორ უნდა აერჩიათ ჩემი საყვარელი მწერალი...

მარტოს 13-ში მიიტანა პაოლო იაშვილი იმედიანი თოფი, მეორე სართულზე გამოუშალა ჩახმახი...

კარგი. ეს შენობა, მარტოს 13, მთელი ისტორიაა და ისტორია, ყველაფერი და ყოველთვის, განსაკუთრებით კი ჩვენში...

ჩა, დღეის ამას იქით ჩემი ფეხი აღარ დაიდგება აქაო! დაიმხობდა იმ მოზრდილ თავზე ცილინდრის ქუდს...

თვითონ კი ავინებდა, მაგრამ სხვისგან ველარ იტანდა სალანძღავ სიტყვას, თუნდაც სამართლიანად ნათქვამს და თუნდაც დავით სარაჯიშვილისგან...

ეს ამბავიც მარტოს 13-ში ხდებოდა და რატომღაც ამ სახლზე ყველაზე ხშირად სწორედ ილია ჭავჭავაძის და დავით სარაჯიშვილის შეხლა-შემოხლა მახსენდება...

პირადად ჩემთვის, მარტოს 13 რა არის და, სოლოლაკში რომ მეიდანზე ახლოვდებოდა, მარტოს 13 რომ მოვხვდებოდი...

რავი, სულ რაღაც საქმეები გვექონდა ვითომ... მარტოს 13 კი ჩაბნელებული და გამქრალი იყო. აღარ არსებობდა...

2. არ ვიცი. მართლა. საერთოდ, ნებისმიერი მწერალთა გაერთიანებისაგან ძალიან შორსა ვარ. პირადად მე (უკაცრავად, საკუთარ თავზე რომ ვსაუბრობ) ნამდვილად არანაირი გაერთიანება, კავშირი ან კლუბი არ მჭირდება იმისათვის, რომ ვწერო ან არ ვწერო...


ერთ რამეში კი მაინც ღრმად გახლავართ დარწმუნებული — რომ მარტოს 13-ში და მწერალთა სახლში არავის თავისი პერსონალური კაბინეტი, სეიფი, მაგიდა არც უფრებიანი და არც უფრებო, კარადა და, ბოლქმი და, კბილის ჯავარისი არ უნდა ჰქონდეს (როდესაც ანა ახმატოვას ევგენი ევტუშენკო პირველად წარუდგინეს, სანყალი ევტუშენკო ამ შეხვედრისთვის საგანგებოდ გამოეწყო სმოკინგში და შთაბეჭდილების მოსახდენად პიჯაკის გარე ჯიბეში ოქროს კალმისტრაცი ჩაიკვება...

მწერალთა სახლი უნდა ეკუთვნოდეს მწერლებს — ყველას ერთად და არავის ეკონკრეტულად! ნებისმიერი პრეტენზია მწერალთა სახლის რაიმე ქონებაზე, მემკვიდრეობაზე, კაბინეტზე თუ ინვენტარზე არა მარტო უზენოობაა, არამედ უარესიც — სასაცილოა!

ბოლოს კი, თქვენის ნებართვით, მწერალთა სახლს და მის დიასახლისებს, ნატაშა ლომოური, ლელა შუბითიძეს, ქეთი ჩიჭივაძესა და სხვებს ვუსურვებ ყოველივე საუკეთესოს და ამ ძალიან დიდი, დიდი ისტორიის მქონე სახლის ღირსეულად პატრონობას!

გაითხოვება

ისე, რომორც თორღვა ძაგანი



ის იყო პოეტი, დაბადებული სიტყვის სამსახურისთვის და მან ღირსეულად აღასრულა თავისი ვალი ლიტერატურის, ქვეყნისა და სინდისის წინაშე.

მამუკა ნიკლაური — გამორჩეული სახელი თანამედროვე ქართულ ლიტერატურაში, შემოქმედი და მოღვაწე, პიროვნება და მოქალაქე, რომელმაც თავისი ცხოვრებით გვიჩვენა მაგალითი, თუ როგორ შეიძლება ადამიანი დაცვა სპირიტუალური იმედი ისე, რომ არ გაიზაროს, არ გატყდეს და არ დაგაქვოს ერთგულების გასაოცარ ძალაში.

მან თავისი ქვეყნის ბედით იცხოვრა. ჩუმად, მდუმარედ, სრულიად უხმაუროდ შეაღია სიცოცხლე თავის მრწამსს, მცენებას, იდეას.

თავდაუზოგავი იყო ცხოვრებაშიც, ლიტერატურაშიც. მამუკა ნიკლაური თავისი თაობის ერთ-ერთი ლიდერი იყო, მაგრამ არასოდეს უცდია ამის აფიშირება, რადგან იცოდა, ხედავდა, გრძობდა.

თვალისაყვები იყო მისი ტალანტი: დახვეწილი გემოვნება, აზროვნების მაღალი კულტურა და მოვლენათა ანალიზის არაჩვეულებრივი უნარი. რასაც უნდა შეხებოდა მისი კალამი, იცოდა, რომ იქ იყო ქმნადობის მიზეზი-შედეგობრივი წესრიგი და ურღვევი ჰარმონია.

მამუკა ნიკლაური არ წერდა შემთხვევით ან შემთხვევით თემებზე. ელოდა შთაგონებას, როგორც შემოქმედების ეთიკურ ბაზისს. მიაჩნდა, რომ შთაგონების გარეშე წერა უზნეო ახირებაა, რომელსაც საერთო არაფერი აქვს შემოქმედებასთან.

ჰქონდა ხანგრძლივი პერიოდები, როდესაც სტრიქონსაც არ წერდა. თითქოს შეგნებულად გაურბისო პოეტურ მუხას, მაგრამ უეცარი აფეთქება იცოდა. ასე იყო სამოცდაათიან წლებში, ასე იყო ოთხმოცდათხუთმეტი, ასე იყო აგერ, ახლახან, როდესაც „ლიტერატურულ გაზეთსა“ და „ჩვენს მწერლობაში“ რეგულარულად დაინყო გამოქვეყნება ერთმანეთზე უკეთესი ლექსებისა და ესეისტური ჩანაწერებისა. გვეგებოდა, სიცოცხლეს ახლიდან ინყებოდა. თურმე ეს გედის სიმღერა იყო, რაღაცნაირი გამონათება, გამოსალმების შუქი. სანთელმაც ხომ ასე იცის, სანამ ბოლომდე ჩაინვებოდეს, წამით დიდ, ღვთაებრივ ნათელს გამოსცემს.

მამუკა ნიკლაურის პოეტური აზროვნება მთის ამაღლებული და იდუმალი სამყაროდან იღებს სათავეს და ამიტომაც არის მის ლექსებში ესოდენ დიდი, მძაფრი და რთული განცხადები.

„მე და არაგვი ბურსაჭირის მთებში ვინყებოთ“, — წერდა ერთ ლექსში და ამით თითქოს საკუთარ სულს მიეზიდებოდა დაკარგული სამოთხისკენ, სადაც იშვა მისი პოეტური მუხა და სიცოცხლის სიყვარულის სევდიანი საგალობლები.

ფიქრსა თუ ოცნებაში, სიზმარსა თუ ცხადში იქ იყო, მთაში, თავის საარავოზე, იქ ტრიალებდა მიტოვებულ, დანგრეულ სახლთან, თავის სიყვარულთან და ტკივილთან.

ტკივილი იყო მისი შემოქმედების მთავარი გმირი. ტკივილისგან გამოძერწა თორღვა ძაგანიც, რეალურ-მითოლოგიური გმირი, რომელიც სიკვდილის შემდეგაც ცოცხალია, „იქაც“ ფიქრობს და იბრძვის:

დრო მიდის, მიდის, მიდის და მიდის — ირწევა ჩვენი რკინის აკვანი და მარადიულ ბრძოლაში იბრძვის მარადიული თორღვა ძაგანი.

ძნელი მისახვედრი არ არის, თუ რისთვის დააბრუნა ლიტერატურაში ხეცსურული პოეზიის ეს პოპულარული პერსონაჟი, რომელსაც მარცხენა ბეჭზე მზე აქვს გამოსახული, მარჯვენაზე — მთვარე, ბეჭებს შორის კი — ჯვარი. ვაჟასეული კაი ყმის იდეას აცოცხლებდა ჩვენი საზოგადოების შეგნებაში. ამ რომანტიკული ნადილის ერთგული დამცველი იყო ბოლომდე და, სხვათა შორის, ვინც მამუკას კარგად იცნობდა, მას არ შეიძლებოდა არ შეემჩნია, თუ როგორ ერთგულებდა ის მთვარის, მზისა და ჯვრის საკულტო ტრადიციას.

ისე, როგორც მამა-პაპანი. ისე, როგორც თორღვა ძაგანი. მარადიული თორღვა ძაგანი.

ზაალ საგადაშვილი, როსტომ ჩხეიძე, ანდრო ბაღუაძე, შაჰ შერაზადიშვილი, ვანო ამირხანაშვილი

ლიტერატურული გაზეთი საქართველოს კულტურისა და ძეგლთა დაცვის სამინისტრო საქართველოს მწერალთა სახლი რედაქტორი ირაკლი ჯავახაძე რედაქტორის მოადგილე უჩა შერაზადიშვილი ჟურნალისტი თამარ ჟურული მობ. ტელ.: (577)742277; (599)269852; e-mail: litgazeti@yahoo.com